

64540

霍山縣志

第壹冊

地

230.181

39

21-6

27

霍山縣志

槐青署眉

霍山縣志

卷之首

光緒三十一年
八月
排字重脩

重修霍山縣志序

郡邑志乘春秋支流也春秋張三世有據亂世有昇平世有泰平世執此例以編邑志而新舊絕續今昔盛衰大率不離世分三等者近是霍邑始建於前明宏治而

國朝記載首詳順治以來是時由據亂入昇平天地再清山川重秀風土人情亦較樸茂厥後兩修志於乾隆乙巳丙申之年時則熙熙皞皞民生不見兵革外事安居樂業幾忘帝力而不自知蓋由昇平入泰平世也逮嘉慶丙子四修志時承平日久亂機隱伏無何髮撚萌孽霍故皖鄂通

霍山縣志

卷之首序

道賊時出沒其間人民罹於鋒鏑城郭燼於兵火泰平景物蕩然無復存者同治中興安省奏請修通志飭各屬采事實編邑乘獨霍以款項支絀又乏人理董之草創未就而止自是欲修不果者又三十餘年遷流以至今日起視環球大勢可謂極事變之蹟者矣蓋自五大洲物競炎炎天演爲鑪天擇爲冶業舉政治學業工商兵戰開千古未有之奇局霍處萬山叢薄中於外界雖稍若天闕然不能不隱被其影響駸駸易閉塞而開明故由今以前變率自漸由今以後變率加速是志也灌輸於新舊絕續之交總

攬夫今昔盛衰之故而合羣進化之道卽於是寓焉天下事不進則退羣學家之言曰欲求進化必先合羣其間言語同風俗同累代遞嬗之歷史同邑之有志同一遞嬗之歷史備詳風俗語言者也歲辛丑予受篆後卽調取前所草創者閱之以爲紕繆雜出而事實多可採者商之都人士續加摭訪冀訂成書又以費無所出因循久之嗚呼羣不合而事卒罕濟有如是越二年癸卯再集羣議首捐廉以爲倡於是邑中諸君子亦遂踴躍輸助樂成是舉今且鼓羣力合羣策次第將告竣矣百年廢墜一旦重新非邑

霍山縣志

卷之首序

之幸與當茲時局變遷日求進步吾於諸君子編是志事增前而文省舊其間因革利病凡有裨於風教者尤推闡不遺餘力相期激發羣性維持公益油然而生愛國之心奮然勵同胞之氣恥以蕞爾山陬瞠居人後以副今

聖天子銳意維新躋昇平泰平之極軌請卽以是志爲葦路之驅可乎

光緒三十有一年歲次乙巳季秋之月

賜進士出身刑部主事知霍山縣事會稽秦達章序

霍山縣志

纂修姓氏

總修

賜進士出身花翎同知銜知霍山縣事秦達章

監修

縣學教諭乙酉科舉人慶昌鑾

縣學訓導己卯科舉人姚延禧

分修

霍山縣典史平斌

霍山縣志

卷之首

纂修姓氏

霍山縣上土司巡檢紀光榮

總理

五品銜候選訓導趙學洙

藍翎五品銜候選訓導李金蘭

候選縣丞程秉文

五品銜廩貢生蕭文英

參閱

候選教諭沈可大

癸巳恩科舉人吳賢揚

五品銜增貢生余起鳳

編纂

中書銜何國祐

廩貢生黃從默

優增生宋煜修

廩貢生何輔冲

壬寅科舉人程秉祺

繪圖

附生李青肇

霍山縣志

卷之首

纂修姓氏

一一

附生王毓衡

採訪

廩生程敦謙

奉憲札採錄忠義節孝候選訓導郭緝熙

五品銜例貢生許前

附生余布方

附貢生楊峻卿

廩生劉慰農

候選縣丞鄭世濟

廩廩附

生程桂林

生方鍾元

生汪甫章

霍山縣志

卷之首

纂修姓氏

四

霍山縣志目錄

卷首

序 纂修姓氏 凡例 圖說

卷之一

地理志上 沿革 山川 古蹟 疆域

卷之二

地理志下 水利 物產 風土

卷之三

建置志 城池 津梁 廨宇 道路 市鎮 舖遞 各鄉義舉附

霍山縣志 卷之首

目錄

一

卷之四

賦役志 丁額 田額 公田 賦額 解額 貢額 附採辦 儲積 釐金 湖賑

卷之五

學校志 學宮 賓興 學堂 禮制 書院

卷之六

秩官志 爵秩 職官 宦績

卷之七

祠祀志 壇廟 寺觀 塋墓附

卷之八

選舉志 文科 武科 文選 武選 恩蔭

卷之九

人物志上 前賢 宦蹟 儒林 孝友

卷之十

人物志中 忠節

卷之十一

人物志下 文苑 義行 流寓 仙釋

卷之十二

列女志 節孝 孝婦 孝女 貞女 烈女 烈婦 咸同殉難婦女 才媛 德壽

霍山縣志 卷之首

目錄

二

卷之十三

藝文志

卷之十四

兵防志 營汛 民防 兵事 關寨

卷之十五

雜志 祥異 補遺 刊誤 原修姓氏

凡例

一霍山縣志嘉慶時潘公際雲續修上溯萬曆癸丑已閱五次時乾隆舊志外惟天啓二年殘本一帙故潘志大半規撫乾隆舊本而畧加刪潤然視乾隆吳志最爲詳贍而體例不如乾隆甘志盡善以八綱統四十二目通爲十卷其中義例不無少蕪考古今郡國名志以康對山武功陸清獻靈壽爲最精今棗強繁峙二志其體例實師法康陸亦近時善本爰採二志及通志參以會稽章實齋先生之記參互攷訂詳今

霍山縣志

卷之首

凡例

一

畧古爲綱十二爲目五十五通首末爲十四卷

一志乘爲史家之一體史則義主予奪志則貴乎質實舊志搜羅考證頗爲詳贍惜浮詞未盡刪耳今則於善者因之注曰舊志繁蕪而減汰者注曰修舊志有更易增補者則注曰新纂皆不失本來面目其人物事實概不敢妄加去取獲罪前人

一舊志所載八景甚爲無益昔李文忠修直隸通志稱任銜蕙所纂棗強縣志爲全省最且嘉其刪除八景下郡縣依以爲式今仿而削之凡有名勝可紀者悉

分注山川古蹟之下其藝文所收之題詠亦隨注附見

一地圖爲志書第一要義舊志所圖山川難以取准今一仿計里開方之法爲總圖一分圖十二其聖宮諸圖亦準此制庶開卷瞭然如在目前

一山川舊志俱以名類相從零星散見山無遠近脈絡之可尋水無源流派別之可考今仿萬山綱目水經注紀之山以黃龍正榦爲綱支行爲目水以潁河濶河漫水爲宗餘流爲派山經水緯自然有條不紊其

霍山縣志

卷之首

凡例

二

峯巒之卓見有事蹟者仿通志另入古蹟一門

一舊志沿革職官選舉皆仿史漢通志例但國史省志人事繁瑣非表無以綜統一邑之小可從簡括今悉仿武功靈壽志改用直行鱗次編載庶少省卷帙

一舊志星野附疆域自是古法但百里小邑於分野義無甚取今仿近人名志易星野爲晷度仍附疆域之下餘盡刪汰

一忠義例用列表惟咸同之亂士紳死難與鬪勇陣亡者盈千累百勢難表行今仿棗強志士紳賜卹者

分別立傳其團勇則依詳報原案用小字雙行接次
編載各傳之下

- 一節孝舊志附人物志後概以貞女目之殊少分別考
近世方柏堂氏棗強志補正謂列女附人物志雖間
有此例惟少則可多必別立傳志今另立列女一門
大書姓氏其夫名事實年分以小字分注其下
- 一人物各類悉斷自前明宏治爲始其兩晉六朝宋元
明初諸賢則彙載篇首題曰前賢
- 一藝文自班氏作志歷代書史志乘相沿不易然考其

體例只載篇目舊志於酬應詩文亦拉雜闌入殊乖
本義今仿武功吳郡繁峙諸志凡詩賦碑記等篇盡
附注各門之下其舊時叙跋及詩文之有關世道者
悉附錄以見梗概

- 一舊志以食貨標名此則史志通例惟一縣所出不過
穀屬蔬屬花木金石之類併入物產庶於名實俱稱
- 一舊志書院雲程館俱入營建志而學校反附之典禮
其例殊舛考各郡縣志及州志均志學校今仿立學
校一志而以學宮書院賓興學堂爲目

一舊志壇廟附營建寺觀附典禮而邱壟又附古蹟未免歧互不一今專立祠祀一門以壇廟寺觀塋墓附旣昭畫一且不失尊禮神明之道

一舊志兵燹入雜志自非無見近惟咸同之際境內防勦之事耳目眾著自不可不詳細記述今據諸名志例增兵防一格

一同治六年所輯志稿皆係抄錄舊志其所增益亦只倉卒成編於建置興廢滄桑變革悉未編纂蓋斯時急圖呈繳省局未暇終事今悉爲刪潤文字俾歸一

霍山縣志

卷之首

凡例

四

律

一書內引用古今書籍悉仿通志一一註明何書旣不致攘襲古人後來亦易稽考

一書中稱謂前志於府州縣官多用上憲前令字樣殊欠雅馴今乃稱知府知州知縣官爵旣明詞亦質雅似爲得體

一地方興革如城池堡寨水利隄壩礦產征榷種植勸學興工客戶差役凡關係民生利病者舊志旣詳哉言之今復於各門類後畧識數語旣可以瞻世變亦

足爲後來守土者一得之助
一前修姓氏序文舊志俱列首卷披閱殊覺炫目今移
叙文入藝文志姓氏入末卷由是考證有資而位置
允當矣

霍山縣志

卷之首

凡例

五

